


Vic Hendry, Sedrun-Cavorgia-Schaffusadapli mira: www.vic-hendry.ch**Sch'ins vul**

La mort prematura da miu bab (quendischn onns) e la mort da mia sora veglia che veva 27, omisdus mortoris enteifer 10 meins, han bess umbrivas sill'olma d'in mattatsch. Ed aunc en in ambient da Maunsut, quei vul dir sil tratsch darschalaun dils umbrivauns, quei tut ei stau dabia e buca senza consequenzas. Ed ins di forsa cun in tec raschun che mias historias seigien plitost passas. Ils avdents dalla perversa ed arclina dattan vessamein els egl. Ei capeta che jeu scrivess magari bugen in tec pli legher. Ins sa buca scriber da quei ch'ins ei buc. Era jeu stoi esser sco jeu sun. - Percas che zatgi dumandass, nua che jeu stetti cun mes raquens, schess jeu che jeu stetti ni dretg ni seniester ni zanza permiezora, jeu mon per mias vias, dabot, per satiuer e rimnar quei ch'ils mes piardan dafertontier. Nuot auter.

Miu stil, el seigi cuorts e nominals e sai jeu aunc tgei. Jeu mez quetel ch'ils accords che jeu audel tunien aschia. E ... l'ureglia ei mia.

GR 19-8-1980

**Vic (Ludivic) Hendry 1920**


El ei naschius ils schotg d'uost dils anno 1920; oravontut eis el staus Tuatschin e vischin da Cavorgia. Suentar la scola publica eis el ius giu Cuera e vegnius scolast; igl emprem ha el mussau en Tujetsch (a Selva, a Camischolas ed a Sedrun) e sissu ha el dau scola secundara el marcau da Schaffusa e quei duront sia entira veta.

Vic Hendry ei semaridaus cun la Zaria Venzin ed ha giu quater affons, dils quals il pli giuven, il Martin, ei ius vi tier Niessegner cun biabein vegn onns - quei ch'el ha maina surventschiu.

Baul e tard e pli e pli ha Vic Hendry scret raquens e romans e historias entiras. Culs onns eis el daus vid las historias cuortas ed ha anflau dapli suatientscha.

Atras ses texts sefan adina puspei danovamein las enzennas tenor l'esperienza da mintga di.

*Hendry, Vic. Jeu. 1984 / Tujetsch - Igl andament da sia historia 1987
Vischnaunca Tujetsch pag. 666*

Entginas datas:

18 d'uost 1920 naschius a Cavorgia/Tujetsch

1927 - 1933 scola primara a Cavorgia

1933 - 1936 scola secundara a Camischolas

1936 - 1941 seminari da scolasts a Cuera

1941 - 1942 scola da recrut (7 meins) e survetsch activ

1942 - 1943 universitads da Turitg e Milaun

1943 scolast a Selva e cuntinuau culs studis a Friburg

1944 scolast dalla scola secundara a Camischolas sco successur da Sep Mudest Nay

1945 - 1950 viaggiatur da segiradas e luvrau sil schec a Turitg

1950 maridaus cun Zaria Venzin, quater affons: Gion, Selma, Marcus e Martin

1960 - 1985 scolast secundar el marcau da Schaffusa

GR 17-08-1990 Alexi Decurtins